



Sarajevo, 29.8.2024. godine

Broj: 06-06-2-868-3/24

## Poziv na radionicu

### Usklađivanje s EU direktivom o korporativnom izvještavanju o održivosti (CSRD)

16.9.2024. godine od 12.00 do 14.00 sati (online, Zoom platforma)

8.10.2024. godine od 10.00 do 16.00 sati (VTK/STK BiH, Sarajevo)

Vanjskotrgovinska/Spoljnotrgovinska komora Bosne i Hercegovine (VTK/STK BiH) uz tehničku podršku Swiss Import Promotion Programme (SIPPO) organizira i poziva **kompanije iz sektora drvoprerade** na dvodnevnu radionicu na temu usklađivanje s novom EU direktivom o korporativnom izvještavanju o održivosti (CSRD).

CSRD je stupila na snagu u januaru 2023. godine s ciljem unapređenja transparentnosti i odgovornosti kompanija u pogledu održivosti, te zahtijeva od kompanija da izvještavaju o svojim uticajima na okoliš, društvo i upravljanje (ESG). Ova direktiva direktno utiče na bh. privredu, posebno na kompanije koje posluju ili planiraju poslovati na EU tržištu. Ona ih obavezuje na usklađivanje svojih poslovnih praksi sa visokim EU standardima održivosti, što može značajno poboljšati njihovu konkurentnost i pristup međunarodnim tržištima. Radionica je namijenjena kompanijama koje žele osigurati usklađenost s najnovijim EU standardima održivosti, kao i onima koje se pripremaju za izvještavanje prema zahtjevima EU tržišta.

Prvi dan radionice biće održan 16.9.2024. godine od 12.00 do 14.00 sati u online formatu (Zoom platforma), s ciljem upoznavanja kompanija sa osnovnim principima i ključnim pokretačima „Okvira za održivo finansiranje“ te uvodom u CSRD. Ova sesija će pružiti neophodne temelje za razumijevanje važnosti usklađivanja sa CSRD-om.

Drugi dan radionice biće održan 8.10.2024. godine od 10.00 do 16.00 sati uživo, u prostorijama VTK/STK BiH u Sarajevu, ulica Branislava Đurđeva 10, Sarajevo.

Polaznici će na radionici:

- detaljno se upoznati sa specifičnostima CSRD-a za sektor drvoprerade;
- razmatrati primjere iz prakse;
- mapirati ključne izazove i prilike u svom poslovanju;
- naučiti kako integrirati strategiju održivosti u svoje poslovne strategije;
- pripremiti praktični izvještaj o održivosti kroz rad na studiji slučaja za svoj sektor.



## Šta je cilj radionice i kome je namijenjena?

Cilj radionice je osposobiti kompanije iz sektora drvoprerade za uspješno prilagođavanje novim EU standardima izvještavanja o održivosti, koji će uskoro postati obavezni za mnoge kompanije, uključujući i one izvan EU. Ovi standardi nisu samo pravni zahtjev, već prilika da kompanije unaprijede svoje poslovanje kroz smanjenje operativnih troškova i otvaranja vrata novim tržištima. Kroz ove radionice, polaznici će dobiti konkretne smjernice i alate kako bi efikasno započeli proces izvještavanja, izbjegli potencijalne štete i osigurali dugoročnu stabilnost i rast svojih kompanija. Radionica je namijenjena menadžerima, vlasnicima i ključnim donosiocima odluka u kompanijama iz sektora drvoprerade, kao i stručnjacima zaduženim za održivost, izvještavanje i usklađivanje s EU regulativama iz ovih kompanija.

## Koji je ishod radionice?

Nakon prisustva radionici polaznici će biti pripremljeni da započnu implementiranje standarda izvještavanja o održivosti za svoje poslovne procese. Ova integracija će omogućiti kompanijama da zadovolje regulatorne zahtjeve i unaprijede poslovne prakse, te ojačaju svoju poziciju na tržištu.

## Ko su predavači na radionici?

**Vedad Suljić** - direktor CETEOR-a, iskusni stručnjak u oblasti ekonomije okoliša sa 15 godina iskustva u održivom finansiranju. Vodio je brojne projekte u regiji Zapadnog Balkana, te upravljao složenim ekonomskim analizama i uspostavljao saradnju sa međunarodnim organizacijama poput Svjetske Banke, GIZ-a, UNDP-a, EBRD-a i drugih. Vedad Suljić je intenzivno angažovan u bh. privrednom sektoru, pružajući podršku kompanijama u tranziciji ka održivom poslovanju kroz stručne analize i razvoj prilagođenih biznis modela.

**Amela Lepić** - projektna menadžerica u CETEOR-u, posjeduje zvanje magistra nauka iz ekologije sa Univerziteta u Sarajevu. Sa bogatim iskustvom u optimizaciji industrijskih procesa, procjeni uticaja na okoliš te strategijama cirkularne ekonomije, vodila je brojne projekte od visokog značaja širom Bosne i Hercegovine. Amela ima bogato iskustvo u radu s privrednim sektorom Bosne i Hercegovine, gdje je direktno saradivala sa kompanijama na implementaciji održivih praksi i optimizaciji poslovnih procesa.

Učešće na radionici je **besplatno** za uposlenike kompanija iz sektora drvoprerade koji izvrše prijavu popunjavanjem [online prijavnog obrasca](#), najkasnije do petka, 13.9.2024. godine do 12.00 sati.

Kontakt osobe za više informacija: Lejla Međedović ([lejla.mededovic@komorabih.ba](mailto:lejla.mededovic@komorabih.ba); 033/566-231) i Mirza Konjo ([mirza.konjo@komorabih.ba](mailto:mirza.konjo@komorabih.ba); 033/566-204).



## PROGRAM

### 1. dan – 16.9.2024. godine (Online, Zoom platforma/aplikacija)

11.45 – 12.00	Registracija učesnika (online)
12.00 – 12.15	<ul style="list-style-type: none"><li>• Pozdravna riječ</li><li>• Uvodno obraćanje organizatora</li></ul>
12.15 – 13.00	<ul style="list-style-type: none"><li>• Ključni pokretači za „Okvir za održivo finansiranje“</li></ul>
13.00 – 13.45	<ul style="list-style-type: none"><li>• Uvod u EU direktivu o korporativnom izvještavanju o održivosti (CSRD)</li></ul>
13.45 – 14.00	<ul style="list-style-type: none"><li>• Vrijeme predviđeno za pitanja i odgovore</li><li>• Kraj prvog dana radionice</li></ul>

## PROGRAM

### 2. dan – 8.10.2024. godine (VTK/STK BiH, Sarajevo)

09.30 – 10.00	Registracija učesnika
10.00 – 10.15	<ul style="list-style-type: none"><li>• Pozdravna riječ</li><li>• Uvodno obraćanje organizatora</li></ul>
10.15 – 11.00	<ul style="list-style-type: none"><li>• Specifičnosti CSRD za sektor drvoprerade</li><li>• Primjeri iz prakse</li></ul>
11.00 – 11.45	<ul style="list-style-type: none"><li>• Radionica: Ključni izazovi i prilike (učesnici rade mapiranje ključnih izazova i prilika - rad u grupama)</li></ul>
11.45 – 12.00	Pauza za osvježenje
12.00 – 13.30	<ul style="list-style-type: none"><li>• Integracija održivih strategija u poslovne strategije</li><li>• Izvještavanje o održivosti (koraci, potrebni podaci, CO2 otisak i dr.)</li><li>• Studija slučaja za sektor drvoprerade (praktični rad pripreme izvještaja)</li></ul>
13.30 – 14.30	Pauza za ručak
14.30 – 15.45	<ul style="list-style-type: none"><li>• Studija slučaja za sektor drvoprerade (nastavak)</li></ul>
15.45 – 16.00	<ul style="list-style-type: none"><li>• Vrijeme predviđeno za pitanja i odgovore</li><li>• Dodjela certifikata VTK/STK BiH</li><li>• Kraj drugog dana radionice/Kraj radionice</li></ul>